



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Malvm Svmmi Mali Sive De infinita grauitate peccati
mortalis Libri Qvinq[ve]**

Pelecycus, Johannes

Monachii, 1615

XXII. Ecclesia benefactrix nostra magna ab impio offenditur.

[urn:nbn:de:hbz:466:1-52025](https://nbn-resolving.org/urn:nbn:de:hbz:466:1-52025)

ritatis, corpus Christi, cœlestis Hierusa- *Apoc. 21.*
 lem, sponsa Christi, casta purissimaque *2. Cor. 11.*
 virgo appellatur. In eam impetu
 summo peccatum mortiferum
 incurrit, eamq; ludibrio & de-
 decore afficit. Obelum inferna-
 lem! O lætiferum Draconem!

CAPVT XXII.

*Ecclesia benefactrix nostra magna ab
 impio offenditur.*

Ecclesia, quæ, iuxta D. Am- *lib. 7. ep. 44*
 brosium, super Apostolicam æ-
 dificata petram manet, & inconcusso
 aduersus impet^o seuientis salis perseue-
 rat fundamine, & multa, & magna
 in nos beneficia confert; Deo si-
 quidē nos, per Baptismum, gene-
 rat, lacte suo nutrit, blando sinu
 fouet, liberaliter educat. Tene-
 bris ignoratiæ discussis, in intel-
 lectu nostro fidem, *qua tanquã ab Prou. 4 13.*
aurora lumen iustorum incipiens pro-
cedit, & vt sapiens ait, ad perfectam
vsq; diē crescit, hoc est, sapientiam,

non huius seculi, nec principum huius seculi, qui destruuntur, sed sapientiam in mysterio, quæ abscondita est, & quam prædestinavit Deus ante secula in gloriam nostram, explicat. Voluntatem virtute omni ornat, qua audiendo & faciendo supra petram ædificemus, & eos, qui audiendo tantum, & non faciendo ædificant super arenam, toleremus. Memoriam ad recolenda semper beneficia cœlestia, verbo prædicationis excitat. Potentiæ executrici non minus robur ad servanda diuina, & sua mandata, quam industriam ad cœpta perficienda, & prospero cursu concludenda impetrat, ad omne opus bonum incitat, torpescentes excitat, confirmat afflictos, jacētes erigit, laude bonos mulcet, malos terret, & vt nihil in vlla gratia desit, vires addens, diuineq; animos afficiens, ad perpetuam

petuam quandam crucē & corporis exercitationē (mortificationē vocamus) hortatur; utq; libidinib⁹ cæterisq; voluptatum illecebris bellum indicamus, cupiditates frangamus perpetuò monet; sicq; fructus in omni bonitate, & iustitia atque veritate progignit, ouesq; ex lupis, agnos ex leonibus, ex serpentibus columbas, ex agrestib⁹ & in fructuosis lignis cultas, & æternæ vitæ fructibus onustas arbores efficit. Et quando vita nostra præsens *Iob. 7. 1.* militia est, & nobis nõ secundum carnē, sed in virtute Dei, & potentia spiritus, sub vexillo Christi, contra hostes pugnandum semper est, omnem armaturam fortium habens, & mille insuper clypeos, arma nobis suppeditat, quibus possimus cornua portenti inferorum comminuere, Satanæque consiliis & furoribus oc-

currere, de peccatis, morte, & inferno triumphum agere, & vitam tandem illam beatam consequi, quæ, secretis malis omnibus, cumulata est honorum complexio. Atq; hæc tanta benefactrix ab impio offenditur. O impietas! O peruersitas peccati mortalis!

CAPVT XXIII.

Qua pacto Ecclesiam Dei impius offendat

Prou. 1. 9.

*Ezech. 4.
13.*

Impius variis modis Dei Ecclesiam offendit, primò vt mater nostra est, quia legē eius, fide Baptisti fracta, dimittit. Secundò, vt sancta est, & in semetipsa iustificata, quia sanctitatē & iustitiam auerſatur. Tertiò, vt interpres est consilij Dei, diuinamq; autoritatē proponit, explicat, & vt ita dicam, fide pro Deo iubet, quia consilium malignantium sequitur, quod est amentissimum.